

DEMANT

MINISTARSTVA ZA NAUKU, VISOKO OBRAZOVANJE I MLADE KANTONA SARAJEVO

Dana 22. 12. 2023. godine na web portalu <https://istinomjer.ba/mesihovic-neistinito-o-budzetu-ministarstva-za-nauku-visoko-obrazovanje-i-mlade/> autora Emira Velića, objavljen je članak pod naslovom " **Mesihović neistinito o budžetu Ministarstva za nauku, visoko obrazovanje i mlade**, a u vezi sa gostovanjem prof. dr. Adna Mesihović dana 19. decembra 2023. u emisiji Polis na TVSA.

Obraćamo Vam se s demantom na tvrdnju da je ministrica za nauku, visoko obrazovanje i mlade Kantona Sarajevo, prof. dr. Adna Mesihović dana 19. decembra 2023. u emisiji Polis na TVSA dala neistinitu tvrdnju kao odgovor na pitanje voditeljice emisije o tome koliko je budžet Ministarstva za nauku, visoko obrazovanje i mlade za 2024. godinu manji u odnosu na godinu ranije.

Ministrica Mesihović je prije svega istakla da će se isti iznos zadržati za javni poziv za nauku i naučno istraživački rad. Istakla je u razgovoru i da je sam budžet umanjen radi okolnosti na koje Ministarstvo ne može uticati. Također, navela je da su budžetska sredstva umanjena za neke nerealizovane projekte, a spomenula je da je jedan od njih, a to je opservatoriji „Čolina kapa“. Kada je u pitanju projekta rekonstrukcije astronomskog opservatorija na Trebeviću, za koji je ministrica Mesihović navela da je stavka iz budžeta za 2023. godinu koja se nije našla u novom budžetu, razlog je taj da trenutno nisu riješeni imovinsko pravni odnosi kao ni projektna dokumentacija, te i u tih razloga sama sredstva se nisu ni mogla naći u Prijedlogu budžeta za Ministarstvo u 2024. godini.

S ciljem istinitog informiranja obavještavamo javnost da su netačne informacije odnosno interpretacija govora ministrice za nauku, visoko obrazovanje i mlade Kantona Sarajevo a shodno činjenici da ste na osnovu naprijed navedenih odgovora ocijenili tvrdnju kao neistinitu, a dodali argumente poput smanjenja budžetskih izdvajanja na nekim stavkama u okviru Prijedloga budžetskih sredstava za samo Ministarstvo, upućujemo demant kroz obrazloženje svake stavke koju ste naveli:

1. Posebna naknada na dohodak za zaštitu od prirodnih i drugih nepogoda: umanjenje s 3.000 KM na 2.340 KM

Izračun sredstava za stavku „Posebna naknada na dohodak za zaštitu od prirodnih i drugih nepogoda“ je stavka koja se odnosi na zakonsku obavezu izdvajanja posebne naknade prilikom obračuna plata zaposlenika, a ista zavisi od broja zaposlenih te ni na koji način ne utiče na sredstva koja su namijenjena za ispunjavanje nadležnosti Ministarstva iz oblasti nauke, visokog obrazovanje i mladih Kantona Sarajevo.

2. Tekući transferi neprofitnim organizacijama i inkluzija – visoko obrazovanje: umanjeње s 3.720.000 KM na 2.070.200 KM

Na stavci „Tekući transferi neprofitnim organizacijama i inkluzija“ je u prošloj 2023. godini bilo obezbijeđeno u okviru 3.720.00 KM i 1.700.000 KM za uplatu poreskog duga za JU Studentski centar Sarajevo koji je u potpunosti zatvoren, te sredstva za ove namjene nisu potrebna i nisu planirana u budžetu za 2024. godine.

3. Izgradnja Akademije scenskih umjetnosti: umanjeње s 1.500.000 KM na 1.000.000 KM

Ministarstvo za nauku, visoko obrazovanje i mlade Kantona Sarajevo je procijenilo na osnovu utroška sredstva prethodnih godina da nisu potrebna dodatna sredstva za izgradnju Akademije scenskih umjetnosti. Sredstva su iz kreditnog angažmana od ranijih godina od kojih je u 2023. godini utrošeno 500.000 KM a preostala sredstva u iznosu od 1.000.000 su razgraničena za budžet 2024. godine.

4. Izgradnja kampa “Marš mira”: umanjeње s 20.000 KM na 100 KM

„Marš mira“ je projekat koji je stavka u budžetu Ministarstva od osnivanja Ministarstva ali sredstva su nedostajuća za predviđeni projekat i ostala su neutrošena. Iz tog razloga ista nisu planirana za 2024. godinu, ali je stavka zadržana ukoliko se stvore mogućnosti za realizaciju.

U ime Ministarstva za nauku, visoko obrazovanje i mlade iskazujemo nezadovoljstvo zbog paušalnih i nepotpunih informacija iznesenih u članku, a posebno zbog povrede novinarske etike, imajući u vidu da od Ministarstva, kao druge strane, nije traženo očitovanje niti data mogućnost da se oglasi po pitanju objave koja je postavljena na Vašem web portalu, usljed čega tražimo da ovaj demanti u cijelosti i bez intervencija objavite na identičan način kao i izvorni tekst.

Činjenica je da će Ministarstvo za nauku, visoko obrazovanje i mlade Kantona Sarajevo raspolagati istim budžetskih sredstvima koja će biti namijenjena isključivo za stavke koje su ili zakonom propisane ili one koje će na neki način studentima i mladima Kantona Sarajevo olakšati naučno istraživački rad, obrazovanje i donijeti nove prilike, a prije svega kroz implementaciju Strategije prema mladima.

